

NICOLAI MASSAE

EXAMEN

DE VENAE SECTIONE


ET SANGVINIS MISSIONE

in febribus ex humorum putredine ortis, ac
in aliis præter naturam affectibus.

Cum Priuilegio.



VENETIIS, ad insigne Stellæ Iordani Ziletti,
M D L X V I I I.



IORDANVS ZILETVS LACTANTIO FERRO BONONIENSI PHILOSOPHO AC

Medico, amico charissimo S.



B omnibus ijs, qui hisce nostris temporibus, rem medicam præclarè faciunt, frequentissimè dictum audiui (lactanti Excellentiss.) Sanguinem sedem esse atque domicilium animæ, à qua si forte fortuna quandoq; separari aliqua ex parte contingat, animal uel ad malum habitum, uel ad interitum potius statim perducitur. Id, superioribus annis dùm in Vrbe Veneta passim ferè febres ex humorum putredine ortæ grassarentur, in quibus qui uenæ sectionem admittebant, omnes prorsus uitam cum morte commutare cogeantur; cùm sæpè secum animo euolueret Excellentissimus, Unde quaque uir doctissimus, atque de re medica optimè meritus D. Nicolaus Massa; libellum hunc, quem de Venæ sectione inscribi uoluit, è fontibus cla

riſſimorum Hippocratis, Galeni, Auicennæ, cæte-
rorumq̃ medicorum tãquàm erutum, atque exhau-
ſtum, edidit: ut ægrotantium ſaluti proſpiceret, &
hac noſtra tempeſtate medicinam profitentes in
euacuatione per ſanguinis miſſionem ſui officiij ad-
moneret. Quem quidem libellum publicaturus ego,
ex officina noſtra, tibi dicandum decreui, tùm pro-
pter tanti uiri auctoritatem (quem tu ſummopere
es admiratus, cùm ipſum LXXX annum agentem
ſemper aliquid noui uel conſcribere, uel dictare ui-
deris, & ipſum in arte iſta domi tanquam Apolli-
nis Oraculum infinitos penè, & diuerſis propemo-
dum morbis oppreſſos ac laborantes, necnon & me-
dicos quàm plures, conſulere, ab ipſoq̃ reſponſa, ſi-
mulatq̃ opportuna remedia expetere) tùm etiam,
quoniam te ſemper ab ineunte ætate liberalium ar-
tium, atque medicæ potiffimum, ſtudioſum cogno-
ui. Quare eo, quo cætera conſueuiſti, animo liben-
ti perlege: nec te perlegiſſe unquàm pœnitere cer-
tò ſcio: cùm perquàm facile quando, ubi, quibus
in morbis, qua ætate, & quonam pacto ſanguinis
euacuationem fieri debere, diſcere poteris. Vale.
Venetijs, Ex Officina noſtra M D LXVIII.

INDEX EORVM OMNIVM,
QVAE IN HOC TRACTATVLO,
notatu digniora continentur.

A

A Perire Venam, quando maximum malum. pagina. 1
Aquosa superfluitas, in humoribus necessaria, & utilis. pag. 6

B

Biliosa febre laborantibus, non est mittendus sanguis. & quare. pagina 19
Bilis atræ, & flauæ, facultates, quæ. pagina 5

C

Causæ putridarum febrium, quæ potissimum sint. pag. 20
Causæ, cur Vetusiores Medici nobilitant pueris, senibus, ac mulieribus utero gerentibus, uenam ullo pacto secari. pag. 28
Cordis vires, quæ corroborarent. pa. 26
Cacoehymia, quomodo tollenda. pagina 15
Corpus nostrum constituentia, quot & quæ. pag. 4
Cucurbitulæ, pestilenti febre correptis, admotæ, utilissimæ. pag. 17
Cucurbitulæ, quibus corporis partibus admonendæ, ijs, qui pestilen-

ti febre laborant. pag. 17
Cucurbitulæ, quibus in membris applicandæ, ijs, qui Pleuritide affecti sunt. pag. 17
Curatio morborum uera, in quo consistat. pag. 20

D

Dictum Platonis, in eos qui tractare nituntur ea, quæ ignorant. pagina 8
Detractionem sanguinis, qui morbi penitus respuant. pag. 22

E

Euacuatio sanguinis, morbo gallico affectis, quando utilis, & quando damnosa. pag. 31

F

Febres quæ continentes; quæ item assiduæ uocentur. pag. 4
Febres intermittentes, quando causentur. pag. 4
Febrium, quædam putrida, quædam humoralis. pag. 4
Febris, quid propriè. pag. 3

Febres non semper indigent in initio, uenarum sectione. pag. 8
Febres pestilentes, quæ ut plurimum mala subsequantur pag. 17

G

Galenii uerba in Erasistrato, de sanguine mittendo. pag. 8

H

Humore frigido, in capite redundante, quid ut plurimum accidere soleat. pag. 2
Humores, in nostro corpore, quot, & qui. pag. 5
Humores naturales ubi gignantur: & quos agant effectus. pag. 5
Humores non naturales, quot, & qui. pag. 6
Humores, in sanis corporibus, utrum sint separati, an permixti. pag. 6
Humorum in nostro corpore facultates quæ. pag. 5

I

Iecoraria uena, cum secta fuerit, à qua parte primò euacuet. pa. 23
Iecorariæ uenæ apertio, pestilenti, ac putrida febre affectis, inducit repentinam mortem. pag. 23
Indicatio prima, præter morbum, à qua sumitur curandi licentia, quid sit. pag. 30
Infirmi uires semper considerandæ,

antequam sanguis mittatur. pa. 25

L

Lues gallica, in quibus euadat curatu difficilis. pag. 30

M

Medici, qua sumpta occasione, aliquando Adolescentulis, Senibus, ac Mulierib. utero gerentibus, sanguinem mittant. pag. 29
Medicinæ soluentes, quare à Medicis prohibeantur, Tueris, Senibus, ac Mulieribus prægnantibus. pagina 28
Morbus gallicus est frequentissimus, & popularis. pag. 30
Morbum gallicum malè curatum, qui affectus subsequi soleant. p. 30
Morbi gallici peccans materia quæ sit. pag. 31
Morbo gallico affecti, quomodo euacuandi. pag. 31

N

Non semper, & in omni gallicæ luis genere, sanguinis missio conueniens. pag. 31

O

Officina sanguinis, iecur. & quare. pagina 6

P

- Peticulæ*, quando erumpant. pag. 17
Phlebothomia definitio, secundum
Auicennam. pag. 3
Pituitæ proprietates, quæ. pag. 5
Plethoria, quomodo tollenda. pa. 15
Plethorici, antequam sanguinis de-
 tractione euacuentur, quæ haben-
 da ratio. pag. 8
Pueris, quando liceat sanguinem
 mittere. pag. 13
Putredinis definitio, secundum Ga-
 lenum, & *Aristotelem*. pag. 7
Prenithis, est morbus contrarius
lathargiæ. pag. 25

R

- Robur*, & infirmitas facultatum
 nos dispensantium, quo pacto in-
 dicentur. pag. 10

S

- Sanguis*, quomodo mittendus, &
 qui.
Sanguis non mittendus, nisi prius
 perpendantur diligenter, & ægro
 tantis, & morbi conditiones.
 pagina 4
Sanguinis missio, Galeno quid sit.
 pagina 5
Sanguinis facultates, quæ. pag. 5.
Sanguis, cur calidus. pag. 6
Sanguis, cum minuendus, quomodo
 dignosci possit. pag. 12

- Sanguinis* mittendi quantitas, quot
 modis deprehendi queat. pag. 12
Sanguinis missio antequam fiat, quæ
 expendenda. pag. 9. & 10
Sanguinis missio, in febribus pesti-
 lentibus, fugienda. pag. 17
Sanguis, cur per sectam uenam, in
 morbis educitur. pag. 18
Sanguis in pestilentibus febribus,
 eiusque generis morbis, non po-
 test educi absque uitæ discrimine.
 pagina 18
Sanguinis missio, ubi non conuenit,
 semper perniciosa. pag. 18
Sanguis utilis, est Naturæ thesaurus.
 pagina 18
Sanguis qui, & qua mensura eua-
 cuandus. pag. 18
Sanguis est spirituum sedes. pag. 18
Sanguis sine spiritibus, ac humori-
 bus esse nequit: nec humores, ac spi-
 ritus sine sanguine. pag. 18
Sanguinis utilis euacuatio, quæ da-
 mna afferat. pag. 18
Sanguis est frænum bilis. pag. 19
Sanguinis detractio, cur ijs, qui pi-
 tuita, ac crudis humoribus referti
 sunt, est ualde obnoxia. pag. 19
Sanguinis diminutio, cur multum no-
 ceat ijs, qui plurimo humore me-
 lancholico abundant. pag. 19
Sanguis, qua in parte corporis, pu-
 rus reperiatur. pag. 19
Sanguis, in uenis, ac spiritibus sem-
 per permixtus. pag. 19
Sanguinis missionem, quæ prohi-
 beant. pag. 21
Sanguinis missio, à quibus fugienda

pagina 21
*Sanguis cum minuendus, quo pacto
 dignosci possit.* pag. 22
*Sanguis non semper mittendus in
 magnis morbis, uel futuris ma-
 gnis, & quare.* pag. 22
*Sanguinis missio, non ab omnibus
 membris æqualiter euacuare po-
 test.* pag. 22
*Sanguinem mittere post tertiam diē,
 in febris pestilentibus, est mor-
 tale.* pag. 22
*Scopi principales mittendi sangui-
 nis, quot, & qui.* pag. 11

V

*Vacuatio per sectam uenam, quan-
 do penitus fugienda.* pag. 24
*Venam incidere, quando saluberrim-
 um.* pag. 2
Vena statim secanda in lethargo, &

*phrenithide, dummodo ægri uir-
 tus id toleret.* pag. 3
*Venam in lethargo, & phrenithide
 non incidi, quæ prohibeant.* pa. 3
Venæ sectio cur fiat. pag. 4
*Venæ sectio, secundum Hippocra-
 tem, quando requiratur.* pag. 5
Venæ sectio non semper salubris.
 pagina 5
*Venam tundere, quibus periculo-
 sum.* pag. 13
*Vena, antequam incidatur, quæ Me-
 dico considerata.* pag. 21
*Venæ sectio, quando Pueris, Seni-
 bus, Mulieribusq; utero gerenti-
 bus, prosperè succedere possit.*
 pagina 27
*Venetis, cur Febres mali moris ef-
 ficiantur.* pag. 23
*Vita, ac actiones nostræ, unde depen-
 deant.* pag. 18

NICOLAI MASSAE

DILIGENS EXAMEN DE VENAE SECTIONE, ET

sanguinis missione in febribus ex hu-
morum putredine ortis, ac in aliis
præter naturam affectibus,

*Ad Excellentissimum Vtriusq; Iuris consultum,
D. Nicolaum Crassum, Nepotem carissimum.*



V M. sæpissime inter nostros familia-
res sermones Domi Nepos Amantis-
sime, ac etiam plurimos eruditissi-
mos Medicos, & initiatos Iuuenes,
dum ad uisendos ægrotantes in cym-
ba essemus, commentaremurq; inter
nos (uti studiosorum moris est) Vnde
nam est quòd nostris his temporibus ferè omnes, febre pu-
trida correpti, misso sanguine per uenæ sectionem, pereant;
&, si quis eorum saluetur, febris tunc protrahitur, atque
nisi maximo cum labore, & temporis longitudine ad per-
fectam ualeitudinem deuenire potest. Causa uerò tuæ hone-
stissimæ petitionis ea scilicet fuit, q̃ ab acuta & maligna
illa febre euasisti, in qua cæteri omnes alioquin doctiss. Me-

A dici

dici uenam secare, ac sanguinem mittere uolebant, nisi ego ualidissimis ac plurimis rationibus eorum opinioni aduersatus fuisset: quas tibi postulanti non semel, sed pluries quoq; patefeci, ita ut non sine admiratione eorum sententiam erroneam fuisse iudicasti: Quibus nempè argumentis & inquisitionibus, licet pro illius temporis opportunitate & commoditate coràm copiosissimo cœtu artis medicæ professorum oretenus respondiissem, uisum mihi tamen est, ea omnia ad te, cui plurimum debeo, impresentiarum scribere. Sed ut rei seriem & conclusionem sine aliqua ambiguitate intelligere ualeas, titulum propositæ dubitationis cum suis annexis partibus in medium afferre, operæ precium fore existimaui.

Dubium itaque est, an in omnibus febribus ex humorum putrefactione ortis, non in continuis tantum, sed etiam in alijs, & in magnis quoque præsentibus morbis, uel futuris magnis, expediat secare uenam, & sanguinem mittere, tamquam illis saluberrimum auxilium, ut scripsit Galenus XI. meth. med. qui sic ait: Non solum in assidujs & conclusis febribus, quales sunt synochi, & eius generis continuæ febres, sed in omnibus alijs, quæ ex humorum putredine ortum ducunt, saluberrimum esse uenam incidere: hanc uerò sententiam confirmant quidam ex scriptis Gal. XIII. meth. circa finem, quo in loco dum de phrenitide & lethargo uerba faceret, dixit: Cum in capite frigidus humor redundat, accidit (ueluti demonstratum est) ex frigore segnities, dementia, & reliqua, ex quibus

quibus inquit statim ab initio uena secanda est, si modo tam ualens uirtus sit, ut sine noxa missionem sanguinis toleret, & nihil prohibeat eorum quæ de secanda uena retulimus: sicuti uel crudi humoris copia, uel puerilis ætas, uel anni tempus, uel regio in qua sit extrema caliditas, aut extrema frigiditas; atq; hoc quidem commune est utrique uitio, & ei quod cū sopore, & ei quod cū uigilijs accidit; confirmant suam acceptam à Gal. positionem auctoritate Auic. quarta fen. primi, capite de Phlebotomia dicentis, Phlebotomiam esse euacuationem uniuersalem, quæ multitudinem humorum euacuat. multitudo autem est augmentum humorum super æqualitatem ipsorum inuenis; & nemo quidem est phlebotomandus nisi unus duorum: unus eorū est ægritudinibus præparatus, quicumq; ipsius sanguis multiplicatus fuerit, cadet in eas; & alter est cadens in eas. Vnusquisq; autem eorum aut phlebotomatur propter sanguinis multitudinem additam, aut propter ipsius malitiam, aut propter utrunque; & reliqua quæ sequuntur. His igitur annotatis partes propositæ speculationis subscribam, ut eas omnes examinare (si opportuerit) facilius possint. Sed cum de febribus putridis, & alijs in titulo quæstionis mentio facta sit, ideo quid febris existat primum ex communi omnium Illustrum Medicorum sententia in medium afferam. Est itaque febris calor præternaturam accensus in corde, qui per uenas & arterias ad uniuersum corpus diffunditur, nisi impediatur, non tamen adeo impeditur, quin uel in plurimis, uel in aliquibus parti-

bus accensus sit; & sunt febres secundum eorū genera tres, quemadmodum tria sunt quæ nostrum corpus cōstituunt, uidelicet partes solidæ, humores, uapores & spiritus. At cum difficultas prior sit de febribus ortis à putredine humorum, operæ precium recensere fuerit, quòd ex febribus quædam est putrida & humoralis, & est illa in qua calor immodicus in humoribus accēditur, & uocatur putrida quoniam humores in ea putrescunt: uerum si humores sine putredine calefiant, quod fit aut ex multitudine sanguinis in uenis, cum obstructione meatuū, aut ex uisione bilis, quam febrem æstiuam nominant, & has quidem ambas continuas, uel continentes & asfiduas uocant. Qui uero extra uenas humores putrescunt, febres (uti uocant) intermittentes causant; & istæ sunt specie diuersæ. Deinde cum etiam de uenæ sectione, & sanguinis missione in omnibus febribus putridis dictum sit; ac, Galeni sententia, non omni ex parte à medicis rectè interpretatur, ideo, ut claram eius opinionem ostendere ualeam, quid missio sanguinis sit, ex Gal. auctoritate, & aliorum præclarissimorum medicorum, hic subscribam. Porro Gal. primo, & ix. meth. sic declarat uenæ sectionē. inquit enim: Venæ sectio fit ut sanguinis euacuatio fiat. sed quoniam sanguis naturæ utilis est, ideo in uenæ sectione non sine optimo consilio procedere oportet, ita ut sanguis inutilis & nocuus naturæ, tantum euacuetur. Dixit etiam Hippocr. vi. part. aphorismorum xxii. aphoris. uenæ sectionem esse communem euacuationem, scilicet quando humores omnes in ue-

his æqualiter indigent euacuatione, aut sua quantitate, aut
 qualitate peccantes; unde obsecro uideant quomodo au-
 thoritates Galen. Hippocrat. & Auicennæ, sint intelligen-
 æ. Quare non in omni febre uenæ sectio semper salu-
 ris est, immò sapissime perniciofa, si id euacuetur, quod
 non debet euacuari, præterea Gal. 4. de tuenda ual. ait
 sanguinis missionem esse euacuationem eorum humorum
 qui in uenis existunt. Præterea cum de febribus putridis
 disceptatio fit, uidendum etiam erit quid humor, & quid
 putredo sit; & quicquid dixerit Arist. de humoribus: in
 hoc quidem medicorum sententia præsertim Hypp. ac re-
 quorum celeberrimorum medicorum uerior est, & illa
 firmanda sensu & ratione. Sunt igitur in nostro corpore
 quatuor humores, ex quibus omnia membra nostri corpo-
 ris generantur, nutriuntur, & augentur, sanguis nimirum,
 pituita, bilis flaua, & atra bilis, ut habetur à Gal. 2. de ele-
 mentis, & passim in alijs suis libris; porro Sanguis calidus
 & humidus plenus spiritibus dicitur, & est dulcis. Pitui-
 ta uerò frigida & humida dicitur, nullam exuberantem
 manifestam qualitatem ostendens. At bilis flaua calida
 & sicca dicitur, amaritudineque prædita est. Atra bilis ue-
 rò, frigida & sicca existit, terrea, cum sapore acido ac acer-
 o; & hi humores calidi uel frigidi, humidi uel sicci,
 quatuor potestate dicuntur. Præterea ex quatuor dictis hu-
 moribus, quidam ex eis naturales sunt, & quidam non na-
 turales, naturales autem existentes generantur in iocinore
 membrorum omnium nutriendorum gratia. Non na-
 turales

turales uerò etiam in aliis membris generantur, & sunt duorum generum. alterum, cuius bona eius temperies mutata est sine admixtione alterius humoris; alter uerò, quoniam humor alius non naturalis qui uel in iocinore, uel in alio membro genitus est malus ei permiscetur. Hic tamen animaduertendum est, quòd & si dictum fuerit humores calidos, uel frigidos, humidos, uel siccos esse, non tamen id ita absolutè est pronuntiatum, sed in respectu, quoniam hominis naturæ, & partibus corporis proportionem respondent gratia uitæ. Notandum etiam, quòd & si dicant Medici, humores numero esse quatuor, non ob id tamen in sanis corporibus separati cernuntur, sed sunt permixti, si quidem sanguis purus nullibi in corpore reperitur, præterquam in corde. in reliquis autem partibus in uenis permixtus est cum tribus alijs humoribus, & spiritibus ita ut, sic permixtus membra diuersa nutriat, pro ut ex diuersa substantia sunt conflata, ut clare uidere est apud Hip. in de natura humana. Obseruandum insuper est quod sanguis & spiritus calorem à corde incipiunt, & hac ratione calidus est. Præterea tres enumerati superius humores, nullam subsidentiam faciunt, at in solo sanguine fecale sedimentum apparet. Cuius sanguinis officina iecur ipsum est, nam attracto succo à uenis meseraicis, per calorem temperatum ipsius hepatis in sanguinem conuertitur, qui dum in iocinore existit, magis subtilis est, quàm requirant cætera alia membra pro eorum nutritione, & id propter aquosam superfluitatem, quæ necessaria & utilis est ad corporis

oris partes nutriendas, ac etiam ad alias perficiendas operationes. Postremo quid putredo sit, iam iā declarabo. Est igitur putredo siue putrefactio ex Arist. & Gal. sententia sic descripta 4. lib. meteor. Corruptio quædam proprie in no quoque humido ab aliqua caliditate, & reliqua. Galeni verò xi. meth. est inquit mutatio totius naturæ putrescens corporis substantiæ ad corruptionē à calore extraneo, nam à proprio & naturali calore nihil corrumpitur, sed cōseruatur. siquidem huiusmodi calor extraneus siue aduentitius, humiditates à proprio & optimo suo temperamento mutat, antequam eas ad meliorem complexionem vel substantiam nativus calor mutauerit, ut puta ad cam, quod est una ex secundis humiditatibus, uel ad ardens complexionem. His itaque sic prænotatis, tempus iam est, ut sententiam Galeni (quam ueram procul omni dubio esse affirmo, malè tamen & perperam à quibusdam intellectam, & executioni mandatam) secundum omnem ueritatem declarem. Verba igitur Galeni hæc sunt: Saluberimum autem est in febribus uenam incidere, non continuis modo, uerum etiam in omnibus quas putrescens humor concitat; Quòd uero dicta Gal. perperam à illis intelligantur; audiamus ipsummet Gal. qui in libro de sanguinis miss. per uenam sectam contra Erasistratum, posteaquam illius negligentiam in mittendo sanguine accusauerit, sic inquit: Nam & coloris mutationem nunc quidem in ipso fluente sanguine, nunc quidem in ipso ægro, tantis corpore inspicere licet, animi quoque defectio plu-
rimis

rimis affectibus uacuationis terminum designat, quemadmodum sanguinis fluentis uigor languescens, & pulsus mutati. Item Gal. contra Erasistrateos, cum esset Romæ, ita de eorum imprudentia in sanguine mittendo scripsit. Cæterum si adolescentes qui neq; de sanguinis detrahendi mensura, nec de uenarum secundarum ratione quidquam audierint, ad præsidium hoc sese accingunt, agros in exitium perducent; Plures namque ob perperam sectam uenam perierunt, quam quibus adhibitum hoc auxilium non fuerit; Quippe seniores Medici tunc temporis uenas secantes, utebantur alijs euacuatorijs auxilijs, quæ idem, quod uenæ sectio, uerum longiori tempore efficere poterant, nisi quod quandoque ob præcipuam partem affectam, aut ob plenitudinis exuperantiam æger morte præoccupabatur. Verum qui febres cunctas in principio uenæ sectione indigere autumant, non mediocri etiam noxa ægros afficiunt. Itaque minus aberrare eos consentaneum est (ut ait Plato) qui non aggrediuntur illa quæ ignorant, quam qui ea tractant quæ didicerunt nunquam; & paulo infra circa finem inquit ipse Galen. nec uero existimandum est plethoricos omnes sanguinis detractione esse euacuandos; prius siquidem distinguenda natura plenitudinis est, habitudoq; & ætas ægri expendenda, tempus item anni, regio, & aeris constitutio consulenda, necnon quæcunque antecesserunt, quæque ipsum ægrum etiam nunc infestant symptomata. Scripsit præterea idē Galenus in lib. de curandi ratione permissionē

sanguini

sanguinis, hūc in modum, Qui de sanguinis missione speculantur, primū quidem inuestigare debent quæ nam corporis affectiones euacuatione indigeant; secundò quæ sanguinis detractio: tertio qui innoxie hanc ferre possint euacuationem: quartò quonam potissimum tempore ipsa molienda sit, quintò quam ex uenis secare oporteat, cum nimirum non parum intersit hanc, an illam seces uenam. Porro hac contemplatione absoluta, succedit quoque de Scopis oratio, quibus uidelicet, si quis animum attenderit, euacuationis modum per coniecturam facile inueniet, nec non in quibus semel fieri præstet; & in quibus reiteranda sit; deinde in quibus usque ad animi deliquium sanguinem auferre liceat; & in quibus id, ceu summum malum, euiare. Quum autem per omnem uitam omnia, quæ in quæstione ueniunt, duo inuentionis organa obtineant, nempe rationem, et experientiam, necesse fore arbitror, & in præsentia quoque aut ratione sola, aut sola experientia, aut etiam iunctis ambabus, quæ proposita sunt, scrutari. Hæc Galenus. Videant igitur qui pertinaciter uenam incidunt in quacunque febre ex humorum putredine, innixi sola auctoritate, sine ratione & experientia in quanto uersantur errore. nam Galeni auctoritas, & uerba, sunt uera cum iam dictis conditionibus, ut scilicet sint ratione & experientia comprobata. Sequar itaque reliqua, quæ inquisitione diligenti, ac solerti examine duxi esse digna, ut sine ægri discrimine uel pernicie per uenam sectā sanguinem euacuat medicus possit. Scripsit etiam Galenus in libro de curandi

ratione per sanguinis missionem, in hunc modum : Si quis plenitudine grauetur, aut tenditur, nec puer sit, nec senex, an illi secari uenam oporteat expendas, præ oculis habens hosce principales scopos plenitudinis, nempe tum quantitatem, tum qualitatem, atque uirium robur, & earundem inbecillitatem naturalem, & etiam totius corporis habitum, tempus, regionem, anteaactam uitam, tum an cibi & potus copia, & præcipue affatim nutrientium, qui sic affectus est fuerit usus; prætereo consuetudinem, & res præter consuetudinem actas, quosque motus exercuerit, quas exercitationes habuerit, aut præter solitum compescuerit, animo suo perpendat: Præter omnino autem hæc num gracilior, aut crassior euaserit; Porro utriusque plenitudinis quantitas, ex priorum signorum magnitudine diffinietur: Quanto enim homo sibi grauior uidebitur, tanto & plenitudinem quoad uires creuisse constat; Ad eundem modum, quantum fuerit auctus tensionis sensus, tantum alteram plenitudinem, quæ secundum uasa uocatur, cognosces. At utriusque plenitudinis qualitatem partim ex coloribus iudicabis, memor calorem humorum esse, si quidem ab externo Calore uel frigore totum corpus haud immodicè affectum fuerit, partim uerò ex his, quæ humoris naturæ coniuncta sunt, & reliqua. Ac paulò post inquit, Dispensantium nos facultatum infirmitas, atque robur proprijs indicantur functionibus uoluntarijs, illis quidem, quæ in neruis, cerebroque consistunt; pulsificis autem eius, quæ in corde, ac per arterias mouentur, & reliqua.

qua. Mox inquit, Vbi ergò extantibus plenitudinis signis ualentes facultates extiterint, incide uenam, uidelicet si tensiua fuerit affectio, nihil distinguens, magisq; etiam in phlegmonode: Si uerò degrauans sit plenitudo, quæ infestat, haud semper sanguinis molienda detractio est; nam fieri potest, ut crudus per ipsum corpus collectus sit humor, à quo talis affectio gignatur, ut ferè omnibus degentibus in hac Venetiarum Vrbe, & locis propinquis contingit, ex mala uidelicet uictus, tum cibi, tum potus ratione. Nam penè omnes, non solum æstatis tempore, uerum etiam hyemali, ac alijs anni temporibus lactucas, & alias herbas frigidas, & illas quidem crudas ad satietatem comedunt: deinde plurimis fructibus frigidis, humidisq; uescuntur, cuiusmodi sunt cucumeres, cucurbitæ cum granis uuæ acerbæ conditæ, mellones, anguriæ quoque ita uocatæ, poma, & pyra, aliaq; huius generis. præterea ipsis familiares sunt piscium omnes species, ut Anguillæ, Cephalij, Passaræ, Gobij, Varioli, Lupi, Barbones; & ex fluuialibus Tinchæ, Rainæ, Lucij; & reliqua huius classis. Sunt denique quàmplurimi, qui comedunt legumina, & carnes porcinas; bibuntq; frequenter uina acida, paucifera, aquo sa, ac refrigerata ex ipsa aqua, quæ omnia non solum in uentriculo superfluitates aggregant, sed etiam in ambitu totius corporis, unde referti sunt maxima copia succi frigidioris, ac humidioris, qui minimè est uacuandus per sanguinis missionem. Abstineant igitur à dictis frigidis cibarijs, utanturq; fricationibus, unctionibus, & potionibus

educantibus humores crudos, & reliqua. Sequitur Galenus ponendo alias annotationes, ubi de ratione mittendi sanguinem scripsit. Cæterum principes scopi mittendi sanguinis sunt duo, nempe magnitudo morbi præsentis imminentiſue, ut cum ea uirium robur, quibus si adiicias etiam ætatem florentem, nihil quidem sermoni defuerit, modò sub ætate florēte præcedens, sequensq; illā intelligatur; excipiāturq; distinctione tantum Senilis, atque Puerilis ætas. quamuis ætas Senilis in uirium robore comprehendi potest, cum eorū non nullis sibi adsit uirtutis robur. Si itaq; magnū fore morbū timeamus, aut iam præsens est, aut incipit, uenam secabimus, uirium habita ratione, tantumque ex oratione exceptis pueris. Nec uerò, ubi tanta humorum crudorum copia accumulata est, ut secādam uenam prohibeat; Sermo hic redarguitur, cum ipsis uirium robur non adsit; estq; hoc indicium eos non posse hanc sanguinis missionem perferre, quòd propter calorem totius corporis degenerantem in ipsis, ab eo, qui solet sanguinis quantitatem ostendere; etiam ipsorum pulsus inæqualis in uehementia, ac magnitudine existit. Itaque ex morbo, ætate, & uiribus, an minuendus sanguis sit cognoscitur. At euacuationis quantitas desumi potest ex plethorica uocata syndrome; aeris nos ambientis temperie, quæ in tempus, & regionem diuiditur; antè acta uictus ratione, excretionibusq; factis, aut impeditis; ac post multa examinata, in sermonis processu hanc conclusionem ponit, Igitur, si magnitudo morbi missionem sanguinis postulet, adsitq;

uirium

uirium robur, nulla potest esse tanta crudorum humorum copia, quæ inhibere id auxilium possit. Notabis tamen hic in maxima plenitudine, & in maximo uitæ discrimine Galenus intelligi debet, qui paulò post sic scripsit, Quæ ratione nec Pueris sanguinem mittere licet antè quartum decimum annum; post quem si multus congestus sanguis appareat, tempusque anni sit uernum, & Regio temperata, Puerque natura sanguinea, aut alicuius acuti morbi periculum impendat, sanguinem minues, & reliqua; Addit etiam, quod nec sub cane, & similiter secundum regiones, constitutionesque calidiores, & sicciores, cum nimirum hæc omnia ad resolutionem sint apta, uenæ sectio minimè conuenire potest. Vide igitur quanto uersentur errore, qui sine ullo discrimine in omnibus febribus uenam secare audent. Adde etiam, quod cum suspicio fuerit de præsentī putredine uel futura, maligna, pestilentialique, ac uenenosa febre (ut contingit nostris temporibus) nullo pacto missio sanguinis per uenam sectam sine uitæ discrimine conuenit: nam ferè omnes, quibus in tali febre uena incisa fuit cum ipsius sanguinis educatione, paulò post apertam uenam mortui sunt: suaserunt tamen illi, quibus appositæ fuerunt cucurbitule, ac per eas scarificatas sanguis eductus fuerit; Neque certè uena tundenda est, nisi cum maximo, ac euidenti uitæ periculo, illis, qui copiosa, ac inordinata usi fuerint Venere, antequam in febrem prolaberentur, quando uirtus imbecillis credita est ex spirituum euacuatione, una cum ipso semine, quare in hoc casu penitus à uenæ sectione abstinendum est. Quæ

est. Quæ uerò scripta sunt à Galeno XIII. Meth. de sanguinis missione in lethargo, & phrenitide, optimè dicta fuere; sed non ab omnibus (ni fallor) intellecta, quoniam Galenus non docet ibi sanare lethargum, aut phrenitidem, sed admonet Erasistrateos, & Thessalū, qui in huiusmodi morbis particularibus, nulla præmissa excrementorum corporis euacuatione per pharmacum, aut per sanguinis missionem, uena secta, particulæ dolenti, & laboranti remedia admouebāt, ut puta oxirhodinum phreniticis circa caput; sic etiam in lethargo, ac alijs capitis partibus, præter naturam affectis; hoc autem erat grauissimum peccatum, quoniā cum sint morbi materiales, ex humorum multitudine uel malitia facti, euacuatio eorum prius est necessaria, sicque tam in lethargo, quàm in phrenitide, non docet curare apostema factum, sed admonet ut, diuertendo, aut alio deriuando ne fiat, uel cōfirmetur, quod potest ex uerbis suis postea de ductis facilè cognosci. Inquit enim quòd in talibus missio sanguinis, si opportuna fuerit, statim à principio molienda crit; nam cum in XIII. de tumoribus præter naturam ex professo tractare constituisset, primū posuit indicationes, quæ ad eorum curationem necessariae sunt; subinde scribit differentias indicationum sumptarum tum ex parte plenitudinis membri, tum etiam ex parte curationis in fieri, & in iam facto apostemate, quæ est euacuatio superabundantis sanguinis in ipso phlegmone fiente; in quo duplex est intētio, prior erit procuratio ne fiat, ita ut talis dicenda sit potius præseruatio, quàm curatio: posterior uerò peccantiū purgatio. At

io. At communis in omnibus intentio est, in corporibus cacochymis & plethoricis humorum uitiosorum multitudinem euacuare. plethoria quidem per uenæ sectionem sanguisque educationem tollenda est; Cacochymia per purgationem superabundantium malorum humorum, nam in talibus summa ratio est posita in educatione nocentis humoris, diuersione, ac deriuatione. Quare quàm plurimas regulas statuit esse prius exequendas circa euacuationē, quàm localia remedia affectis membris admoueantur. idque contra Thessalum, quem denique docet; quam quidem methotolum etiam contra Empiricos scripsit quarto Meth. circa finem, auctoritate Hippocratis, qui in ulceribus primum corpus ab excrementis esse expurgandum, deinde talia diuerſenda, ac deriuanda, ac paulò post sanguinem mittere iubet, ratione sumpta ab ipso sene, qui primus hanc indicationem inuenit. ex quibus uidere est mentem Galeni XIII. Meth. non fuisse in omnibus febribus ex humorum putredine ortis sanguinis missionem fore conuenientem, sed reprehendere illos, qui medicamenta particulari morbo ante corporis malorum humorum euacuationem, aut per uenam sectam, aut per assumptū pharmacum applicabant. Quòd si dixerit XI. Meth. missionem sanguinis in omnibus febribus esse saluberrimum remedium, eam quidem conclusionem uoluit ueram esse, adhibitis tamen conditionibus, & observationibus superius adductis in suis tribus libris de ratione uacuandi sanguinis per sectam uenam contra Erasistratorum negligentiam, & (ut iam dictum est) inscitiam, quod etiam

etiam ex alijs ab ipso Galeno xi. Meth. commemoratis auctoritatibus confirmari potest. Sunt & aliæ quamplurimæ auctoritates præter enumeratas, quæ illis perperam Galeni rationes extorquentibus, contradicunt. ut primo ad Glauconem scriptum est, in eo de curatione febrium continuarum, quòd scilicet in temporibus nimium calidis, ac nimium frigidis uenam aperire maximum sit malum; & ratio est, quoniã ambientis aeris temperatura loco accidentis cuiusdam habenda semper sit, quando exquisitè calida, & sicca fuerit, qualis inter canis ortum, & Arcturi. unde Galenus dicebat, quòd omnes, quibus medici de temporum statu nihil cogitantes sanguinem eduxerunt, interiere. similiter quoque in ualde frigida sanguinem mittere formidamus. Et paulò post inquit, neque in locis supra modum calidis, aut frigidis sanguinem euacuare audemus, deinde in libro de sectis talia profert uerba, In Acuta febre, quæ sanguinis missione eget, cauendum esse à uenæ sectione, si uirtus ægri imbecillis fuerit, & ætas pueritiæ, aut senectutis, ac anni tempus ualde frigidum fuerit. Similiter quarto de tuenda ualetudine dixit, Cum humores plurimū distant à sanguine, & purgare necesse sit, nequaquam per missionem sanguinis eos educere oportet; Admonetq; ut in sanguinis missione seruetur quantitas mittendi sanguinis, ita ut si paucus fuerit ac bonus; uel alius humor bonus, et alius humor malus, aut plurimus à uacuatione sanguinis per uenam sectam, abstinendum sit: Magis quoque talis euacuatio est fugienda in febribus pestilentialibus, in quibus exan-

thema.

hemata, seu papulæ diuersorum colorum solent apparere, quoniam ij omnes (ut superius innuimus) sanguine misso pereunt, tam iuuenes, quàm senes, tam mares, quàm foeminae, tam diuites, quàm pauperes, mala quadam qualitate putrefacti humoris cordi communicata, et non solum mala qualitate, sed, quod peius est, humore malo putrido ad cordis substantiam decurso, adeò ut plurimi, qui à febre intermittente corripuntur, sæpè ex intermittente assidua efficitur, unde postea iam dictæ maculæ uulgo petechiæ, prima uel altera die erumpunt, à quibus infiniti de medio tolluntur nisi rectè, tum à medicis, tum ab assistentibus tractentur. Illique præcipuè morti succumbunt, qui prius uenam post diem tertiam medici aperiri iubent. Solent quinetiam in huiusmodi febribus malignis, pestilentiaibusq; in principio, uel post, accidere, & apparere angina, & pleuritides pestilenciales, ac alij tumores maligni, tam interiores quàm exteriores, cum quibus plurimi commoriuntur, præsertim quibus per sectam uenam missus fuerit sanguis. Ex altera parte infiniti, & ferè omnes (ut iam dictum est) euadunt, quibus cucurbitulæ in angina super patulas, dorsum, & nates scarificatæ appositæ fuere, ac sanguinis mali copia ad uirtutis tolerantiameducta fuerit. In Pleuritide uerò Cucurbitulæ super lumbos, nates, & inter coxas cum ipsa scarificatione, atque etiam sub ipso poplite eadem seruata quantitate sanguinis mittendi. Quare aperiant oculos Medici, sintq; cauti, atque prudentes, antequam iubeant sanguinem per uenam sectam mitti.

Hic tamen moneo, si quæ fuerint de hac pestifera febre sæpius repetita, id de industria factum esse, & ideo æqui, bonique consulant legentes. nam nostra semper fuit intentio artis medicæ initiatos instruere, prouectis autem, ac senioribus nihil incommodi afferre, præsertim in tanto ægrotantium discrimine, ratione mittendi sanguinis per uenam sectam. Possem equidem plurimas alias Galeni, Hippocratis, ac Illustrium Medicorum leges, & auctoritates conditionesue obseruandas circa mittendum sanguinem in putridis febribus, & alijs præter naturam dispositionibus subscribere, sed adductas satis fore iudicaui. Sanguis igitur, quando opus fuerit, per sectam uenam educitur, ut malus ac plurimus euacuetur, sine tamen periculo uitæ; quod non aduenit in pestilentialibus febribus, ac alijs huius naturæ morbis, in quibus nullo modo, nullaque ratione missio sanguinis ex usu esse potest. immo semper, ubi non conuenit perniciosa est. nam cum sanguis utilis, sit naturæ thesaurus, qui plenus spiritibus existit, unde omnes nostræ actiones, ac uita ipsa, dependent; & ideo in illius euacuatione per uenam sectam, non sine exquisita consideratione procedendum est, ita ut superabundans, & solus ille, qui inutilis est, euacuetur ad uirtutis tolerantiam, & ne malus quoque sanguis, ratione inanitionis, & motus cum optimo permisceatur; si quidem sanguis est sedes (uti diximus) spirituum, & humores alij ac spiritus ipsi, sine sanguine, neque sanguis sine spiritibus esse possunt. quare cum quis sanguinem utilem euacuauerit, maximè nocebit illi, spiritum

um una cum sanguine euacuando . Pariter maximum de
 rimentum attulerit , si laborantibus febre biliosa sanguis
 per sectionem uenæ mittatur, quoniā sanguis est frenū bi
 is ratione suæ humiditatis acrimoniam illius obtūdentis ;
 & ideò sanguinis uacuatio erit in causa , ut bilis acrior fa
 ta maiorem excitet febrem , intensioremq̃ , ac seuiora
 sequantur symptomata . Mala est quoque sanguinis missio
 in quibus pituita & humores crudi superabundauerint ,
 quoniam missio sanguinis calorem membrorum natura
 lium , ac aliorum principum membrorum imbecillum , &
 obtusum reddit . Nocet etiam Sanguinis euacuatio illis ,
 qui referti sunt plurimo humore melancholico , siue atra
 bilioso : quoniam , sicut dictum fuit de biliosi humoris re
 dundantia , quod eius scilicet acredo à sanguinis humidi
 tate obtundatur : ita quoque eiusdem sanguinis naturalis
 humiditas humoris atrabiliari siccitatem humectat , ac
 temperat . Obest denique Sanguinis missio hac ratione ,
 quoniam , ut alias diximus , nullibi sanguis purus, præter
 quam in Corde , reperiri potest , ac in uenis semper cum
 spiritibus permixtus est . unde apparet quòd uacuatio san
 guinis per uenam sectam, non sit in omnibus febribus salu
 perrimum auxilium , immò aliquando perniciosum , &
 ideò tam Galeni quàm Auicennæ dicta non simpliciter, &
 ut ibi iacent , sunt accipienda , sed illustranda expositioni
 bus appropriatis Clariss. uirorum, ut superius abundè innui
 mus . Non licet tandem sine timore tres alios humores à
 sanguine diuersos plurimum, & sæpè , euacuare, quoniam

unà cum ipsis humoribus sanguinis quoque subtiliores partes, & subtiliores spiritus permixti sunt, quare in eorum euacuatione sanguinis etiam boni partes aliquæ euacuabuntur, in quibus plurima, & maior quantitas spirituum quàm in alijs humoribus, permixta est; unde ex eius euacuatione uirium omnium aliqua sequetur, & sæpe nonnunquam insignis imbecillitas. Præterea si uera cura consistit (ut omnes Illustres Medici clamant) in remotione causæ causæ uerò potissimæ febrium putridarum sit obstructio & humorum putredo, siue putrefactio, dicant isti mihi quæso, quale auxilium præstare poterit missio sanguinis in tribus febribus putridis, ortis ab alijs humoribus diuersis a natura sanguinis, quinimmò maius sequetur incommodum, cum ex Galeni sententia XI. Meth. neque obstructiones, neque putredo, per missionem sanguinis secta uena tollantur. Quòd si dicant, materiam à misso sanguine minoratam uirtus melius regulare poterit, inualida quidem est responsio; quoniã hic quæro an missio sanguinis possit causas febrium putridarum tollere, quæ sunt obstructiones & putrefactio, aut iam facta putredo. Quare his statim, tutius est in tribus alijs humoribus putrescentibus per rationem à sanguine distinctis materiam peccantem minorare cum medicina per os sumpta leniente & educente communes superfluitates à uis communibus, ac uenis interiorum, ac putredinis causã tollere, quæ est meatuum obstructio, cum fricationibus leuibus, cum paruis cucurbitulis scarificatis, & similibus, ut puta cum exhibitione
syru.

syruporum, & aliarum medicinarum aperientium, ac sudorem & urinam prouocantium in suis propriis morborum temporibus. Neque ingrata erit ex Galeni auctoritate repetitio aliquarum sententiarum in libro de curandiratione per sanguinis missionem, quæ nam sint, quæ in febribus mittere sanguinem prohibeant, præsertim si illis addidero, quæ nostris his temporibus Medici in plurimis febribus putridis in hac Venetiarum populo refertissima Ciuitate infinities uiderunt. Prima quarum est, quòd à missione sanguinis per sectam uenam sunt infantes, & adolēcentes arcendi, qui nondum tertium decimum annum attingerunt, & quoque Senes, ac etiam exangues, & licet plenitudo grauans fuerit, non semper in talibus sanguinem euacuare expedit; fieri enim potest, ut crudus sit collectus in corpore succus, in quo animaduertendum est, quantum uirtus sit robusta, & quatenus humor ipse sit refrigeratus, uel sit copiosus, nam exoluta ab id generis affectibus uirtute, in extremum malum æger incidere solet, ut inde postea restitui nequaquam possit. quod si acciderit, non leue tunc sequetur periculum, potissimum si febris tempore æstiuo grassabitur. Sunt quoque in eodem libro infinita alia memoratu digna, quæ ante uenæ apertionem à Medico sunt considerata, ut est uirium robur, uel earundem infirmitas, & naturalis totius corporis habitus, tempus, regio, antea acta uita; & quoque an cibi, potusque copia usus fuerit, & quousque se exercuerit, aut præter solitum compescuerit. Porro utriusque plenitudinis ratio, cognos-

cognoscitur ex proprijs notis; nam si degrauans fuerit plenitudo, quæ infestet, nō semper sanguinis mittendi habēda est ratio, sed fricationibus & reliquis auxilijs per os assumptis ea erit remouenda. An uerò minuendus sit sanguis, id cognoscetur ex morbo, & uiribus. Quare notare oportet, quòd non semper in quocunque morbo magno, uel futuro magno (uti dictū fuit) uenam secare, & sanguinem mittere conuenit: etenim sunt quidam magni morbi, qui à pituita, uel humore alio frigido nascuntur ex repletionē diuersa à sanguinis natura, tales autem humores crudi sunt; ideò est Epilepsia, Apoplexia, Lethargus, Aqua intercutē, & alij huiusmodi affectus qui nullo modo missione sanguinis pro eorum cura indigent, ut testatus est Galenus XII. Meth. & etiam in citato libro de curatione per sanguinis missionem. Dixit præterea idem Galenus, si in corpore plurimus humor crudus fuerit, timenda est sanguinis euacuatio, ac quoque, si spiritus imbecillis extiterit. Notare iterum oportet, quòd Sanguinis missio, non ab omnibus membris æqualiter euacuare potest. Adde postremo (uti bis, ter uē dictum fuit) in pestilentialibus febribus malignis post tertiam diem sanguinem educere est mortale absque ulla hæsitatione, ut in his nostris Regionibus compertum est, nam Venetiarum Ciuitas sita est in lacunis, ac paludibus, à quibus semper uapores uel putridi uel putredini parati eleuantur, inficientes uniuersum aerem, qui aer malus inspiratus facilè humores cordis ad maiorem putredinem, ac malignitatem accendit, ita ut ex
benigna

benigna febre, siue putredine pestifera, ac mali moris efficiatur. Id quoque, præter experientiam euidentissimam, potest etiam & ratione confirmari. Nam mortis repentinæ, in laborantibus tali febre, omiſſa aeris inspirati corruptione, est uenæ iecorariæ apertio, siue basilica dicta, in curuatura domestica dextri brachij, quæ uena, & si iecorariam uocant, non tamen primò à loci inoris substantia, & corpore euacuat, sed à dextera cordis auricula, qua euacuata, & inanita iecur sanguinem, uel alium humorem putridum uenenosum, ei subministrat; uel à corde attrahitur propria eius naturali facultate, uel à calido ipsius, uel ne detur uacuum, uel ab ambobus simul mixtis uirtutibus; qui sanguis subintrans, primùm sua mala qualitate uenefica humores dexteri cordis uentriculi, uidelicet spiritum & sanguinẽ, & postea uniuersam illius substantiã inficit, unde sequitur mors, cum extremorum refrigeratione, & sudore etiam frigido diaphoretico ita uocato.

His itaque sic constitutis, Reliquum modò est, ut cæteris quamplurimis auctoritatibus explanatis, ad declarationem antiquorum Illustrium Medicorum, præsertim Galeni auctoritatum, orationem meam conuertam. & primum cum dicunt, auctoritatem Galeni xi. Meth. uniuersalem esse, dico quòd perperam ipsam quidem intelligunt, nam authoritas uera est, & sic intelligi debet, scilicet quando putrescentes humores non sunt puri, sed permixti cum alijs humoribus, & sanguis prædominetur: ualet, at non semper, etenim in tertiana exquisita, uel spuria, ubi sanguis non

non superabundat, & similiter in febre quotidiana, ac quartana, missio sanguinis non confert, sed potius nocet, ob rationes toties dictas, & ipsam experientiam: prodest autem si humor putrescens superabundans, sit sanguis: siquidem ubique clamat Galenus ubi de uacuatione per sectam uenā loquitur, & in alijs suis libris, nullo modo sanguinem esse mittendum, quando crudi humores uel pituita, uel bilis flaua, aut atrabilis plurimum superabundant. At in istis purgatio, assumpto per os conuenienti pharmaco, salutiferum erit remedium. ratio uerò huius superius exposita fuit ex Galeni auctoritate, & ratione: quoniam copia frigidi humoris nocet plurimum calori naturali, qui est naturæ instrumentum expellens aduenientis caloris nocuum; uirtutes quoque omnes imbecilliores reddit; quo in casu per missionem sanguinis multò magis imbecilliores efficiuntur. Quòd autem dixerit Galenus XIII. Meth. in lethargo, ac phrenitide uenam secari oportere, iam superius data est responsio non in omni tempore morbi, sed statim à principio, & hoc ad diuertendum cursum humoris, uel ad alium locum conuenientem eum deriuandum, antequàm dolenti loco cataplasmata, uel alia topica auxilia in alijs morbis loco affecto admoueantur, ut puta Iocinoris inflammationi, capitis doloribus in febribus, & alijs. Aduertendū iterū, quod in quacunq; euacuatione (ut dictū fuit) siue illa fuerit per missionē sanguinis secta uena, siue per medicinā purgantē cæteros humores per os sumptam, obseruandæ sunt Hippocratis, ac Galeni leges dictæ
secun-

secundum naturam morbi, & eius temporis, uirtutes agrotantis, ætatem, tempus anni, regionem, & corpora, & habitus, & reliqua: Deinde cognoscere oportet ex Galeni sententia, signa futuri morbi, puta apostematis, lethargi. uerbi gratia signa sunt segnities, dementia, stupor, & similia; sicq; principium lethargi facilius, antequàm factum sit, cognoscere poterimus; & ita statim ab initio sanguinem tuto mittere fas erit. Similiter in Phrenitide, qui morbus contrarius lethargiæ est, moliri oportet; siquidem istis inquietudo continua est, alienatio, ac reliqua accidentia bilis dominium attestantia: quo in casu, quamprimum sanguinem mitti Galenus laudat; in cæteris uerò temporibus minimè, ne maior fortè fieret inflammatio. Semper tamen considerandæ sunt infirmi uires, an missionem sanguinis tolerare ualeant sine discrimine, & reliquæ conditiones toties à Galeno propositæ. Ad id uerò, quod à Galeno de sectione uenæ in ephemera febre dictum est, dico quòd Galenus non docet ibi curare febrem ephemeram per sanguinis missionem, sed admonet medentes, ut si fortè fortuna acciderit, quòd in febre ephemera calor ulterius protrahatur, ac præter spiritus, & uapores, ipsi etiam humores in repleto corpore accendantur, tunc in tali casu uenæ sectio, seu sanguinis missio, non ad ephemeram curandam febrem erit conueniens, sed ad præcauendum putridam, ac humoralem futuram. Memores præterea uelim medicos esse (ut millies fuit dictum) quòd in malignis, & pestilentialibus febribus semper sanguinis per uenam se-

Etiam missio erit pernicioſa. Ratio uerò alia, præter adductas, eſt, quoniam in quacunque febre maligna omnes uirtutes imbecilles redduntur, præſertim uitalis. quare à putrido, & uenenoso uapore ſpiritus & ſanguis in corde inficiuntur, & à proprio temperamento mutantur: unde cum in his malignis febribus prior ſit ſcopus uirtutem cuſtodire cum regimine cibariorum reſicientium, & modeſte refrigerantium, & humectantium, hæc tamen non ſint priuata aliqua ſiccitate reſiſtente putredini uenenosæ; neque uinum iſtis dare conuenit, tametſi uires plurimum, & citò reſiciat: quoniam petit caput, & uaporem illum uenenosum facilius ad cor aſcendere facit; ex qua euaporatione cum humoribus cordis permixta, mutatur ipſius temperamentum optimum in malum, ac ueneficum, unde neceſſariò mors ſequitur, & rari euadunt. Vires autem cordis præter dicta corroborare ſolent, ac illam malam, ueneficamque qualitatem mutare, ſemina Citrij, Acor limonum, Iuiubarum decoctio, Terra lemnia cum conſeruis ex floribus boraginis, bugloſæ, & ſimilibus. Sed remedium ſaluberrimum erit cucurbitularum paruorum cum ſcarificatione appoſitio, ad deriuandam materiam ad ignobiliora membra, qualis eſt cutis. Rurſus rogo legentes, ne ægrè ferant hanc repetitionem, uidelicet cauendum eſſe omninò in curandis febribus peſtilentialibus à miſſione ſanguinis, quoniam plurimi, & ferè omnes ægrotantes quibus ſecta fuerit uena, mortui ſunt, plurimi uerò euaserunt, quibus Cucurbitulæ cum ſcarificatione, & ſanguinis
eductio.

eductione ad uirtutis tolerantiam appositæ fuerunt. Sint igitur nouiter medentes cauti ac prudentes, ut omnia præuidendo à mortis discrimine suos ægros liberare ualeant. Sed quoniam præter ea, quæ superius dicta sunt de abstinentia à missione sanguinis per uenam sectâ ex Hippocrate, Galeno, ac alijs illustribus antiquis, ut puta in pueris à decimo tertio anno infra, & senibus ultimi senij, ac quoq; in mulieribus prægnantibus, plurima alia scripta sunt, quæ à medicis quibusdam obseruantur, & à quibusdam minimè; idcirco causas obseruantia, & non obseruantia, hic in calce ad languentium utilitatem, & Iuuenum medentium instructionem addere uolui. Porro, & si illa ab Illustrissimis scriptoribus antiquis litteris tradita sint, ut pote enumerando in quibus casibus à uenæ sectione cauendum sit, ne per eam sanguinis missionem maximum aliquod detrimentum consequatur; attamen recentiores successere, qui in suis scriptis, ac operibus non semper huiusmodi theoremata de uenæ sectione obseruarunt; siquidem pueris, senibus, ac mulieribus quoque prægnantibus secta uena sanguinem mittere audent, ac etiam pharmaca, seu medicinas per os exhibent, quod bene, ac fæliciter tum Medicis, tum infirmis succedit, seruatis tamen regulis obseruandis de uenæ sectione superius dictis, uidelicet quod uirtus sit fortis, morbus magnus, sanguinis redundantia, uel malitia, ætas florens, tempus anni congruum, regio optima, ac reliqua istis annexa. Causæ uerò cur Veteres prius illi Medici uenam aperiri uetant, sunt istæ, & in primis quo

D 2 niam

niam Adolescentes ante tertium decimum annum, uel quartum decimum plurimum habent calorem innatum, à quo fit continua nutrimenti consumptio : deindè eorum corpora mollia, ac tenella sunt, quibus si alimentum, quod sanguis est, subtrahatur, utique languescunt : tertio cùm crescant, egent plurimo alimento, quod sit in tanta quantitate, ut possit, præter instaurationem consumptæ humiditatis, membra etiam, & uniuersum corpus augere. At in senili ætate præsertim ultima, prohibent sanguinem uacuandum esse, tùm quia uirtutes omnes imbecilles sunt, tùm etiam, quoniam calor senilis pauculus est, & extinctioni paratus; demum quia illius temperies ex decursu ætatis frigida, ac sicca facta est; ex quibus causis senes frequenti assumptione alimenti opus habent ut optimum sanguinem, & spiritum generare ualeant. Quare patet, quam rationabiliter senibus prohibeatur sectio uenæ.

IN Mulieribus uerò utero gerentibus timebant Antiqui, & Moderni quoque medici sanguinis uacuationem & ad huc timent, ea potissimum de causa, quam Galenus quinta particula Aphorismorum assignabat, ne scilicet subtracto nutrimento, quod sanguis est mulieris ad nutriendum foetum attractus acceptabula, seu cotilidones, imbecilles & languidi facti sint ex sanguinis subtractione unde foetus ex nutrimenti defectu, relaxatis ligamentis descēdat sicq; abortus subsequatur. Eadem quoque est ratio de medicinis soluentibus per os assumptis, tam in prægnantibus, quàm in senibus, ac etiam adolescentibus. & quam

quam

quàm, ut superius dictum fuit, Antiqui Sapientes hanc sanguinis uacuationem, ueluti uenenum, detestati sint: Moderni tamen, confisi in uirtutis robore, & uidentes sanguinis abundantiam, uel malitiam, ac morbi magnitudinem, cæteris non conferentibus remediis, sanguinem per uenæ sectionem mittunt in subiectis iam enarratis, adolescentibus scilicet, senibus, & mulieribus prægnantibus. Ego etiam aliquandò in morbis magnis cum uirtutis fortitudine, & reliquis seruatis seruandis, uenam secari pueris, senibus, ac utero gerentibus, & sanguinem euacuari iussi: uidiq; alios etiã doctissimos medicos ita operantes: inter quos, dum essem puer, & frater meus nomine Dominicus ætatis annorum octo laboraret pleuritico morbo, Medicus ille prudens iussit uenam tundi, ac sanguinem educi, ex qua salutem consequutus est. Nostris quoque temporibus Clarissimus Medicus Victor Trincauella, anima cuius requiescat in sempiterna pace, dum correptus febre fuisset anno ætatis suæ septuagesimo, permisit uenam sibi secari, ac sanguinem mitti, quod remedium fæliciter ferens, sanitatem comparauit. Quare in his obseruatis subiectis sanguinem euacuamus. Experimenta uerò de euacuationibus per secessum in talibus factis sunt sine numero. At si Adolescentes, senes uel Gravidæ mulieres imbecilles fuerint, & excarnati, aut consumpti à morbi longitudine, laboribus, inedia, uel alia de causa, nullo modo sanguinis missio ex usu erit, neque uentris solutio cum forti medicina; quòd si egerint euacuatione, ea utique fiat cum

cum medicamine leui leniente sine molestia . operæ præ-
cium tamen erit in omnibus obseruare , ut oculus semper
habeatur ad uirtutem cum optimo cibo, & potu; quoniam
prima & principalis indicatio præter morbum , à qua
curandi sumitur licentia , est uirtus , non modo in iuueni-
bus, senibus, ac prægnantibus, uerùm etiam in cæteris qui-
buscunque præter naturam dispositionibus .

Postea uerò quàm in quibus febribus, ætatibus, & alijs præ-
ter naturam dispositionibus , plurima de uenæ sectione ac
languentium utilitatem , & Iuuenum medentium instru-
ctionem à me dicta sunt : optimum fore putaui , si in hac
postrema sermonis parte , de uenæ sectione , & sanguinis
euacuatione in morbo gallico aliquid dixerò , an scilicet
conueniat , uel non conueniat , semper & in omni genere
morbi gallici uenam aperire , & sanguinem educere . Hanc
autem ratione id declarare libuit , quoniam morbus hic
frequentissimus , & popularis est , qui si non rectè curetur
homines ipsos plurimis & diuersis præter naturam affecti-
bus diu molestare solet , ut sunt dolores , tumores duri, ex-
ulcerationes malæ , depilationes , & aliæ dispositiones
mala qualitate prouenientes , quæ ortum ducunt à mala
Iocinoris temperie , & in alijs etiam membris confirmata .
Tales autem dispositiones diuersæ sunt, secundum diuersi-
tatem humorum cum prima materia morbi gallici per-
mixta , ex qua difficilis curationis semper hic morbus fuit
præsertim in corporibus exanguibus, & extenuatis . Qui-
bus sic annotatis , scire oportet , quod cum in morbo gal-
lico

ico materia peccans (ut ita dixerim) à prædominio non est sanguinea , sed alia à sanguine , ideò nullo modo in euacuando tales ex primaria causa , & intentione contraria morbo , & causis euacuatio sanguinis per uenam sectam conueniens est , sed potius aliorum humorum purgatio cum medicamentis per os assumptis , quippè cum materia , & si diuersa sit , permixta tamen est , & non est sanguis tantum , uel sanguinis superabundantia , ut contingit in quibusdam iuuenibus eo abundantibus . quare non semper , & in omni genere morbi gallici , pro euacuatione missio sanguinis conuenit , immò in debilibus subiectis , & in ueteratis morbis perniciofa est , quoniam euacuat humorem , qui non est causa materialis morbi , sed potius est humor adiuuans concoctioni frigidorum humorum ; siquidem missio sanguinis in istis calore iocinoris , & aliorum membrorum minuit , ita ut non possit postea contra operari morbo , & suis causis , malam iecoris temperiem rectificando , atque etiam materiam peccantem ad sensibilem , uel insensibilem euacuationem præparare . Sunt quoque sæpè hominum temperaturæ , anni tempora , regiones , & aliæ plurimæ causæ , sanguinis euacuationi contradicentes , & ideò in hac gallica lue præsupposita uictus ratione , excrementa communia primò euacuanda erunt , deinde materia antecedens . Verum si in agro superabundantia mali sanguinis fuerit , tunc in tali casu uenam secare opus erit , stante uirtutis robore , & alijs iam supra commemoratis ; nam diximus ætatem pueritiæ , atque senectutis ,
& cor.

& corporis imbecillitatem, sanguinis euacuationem non admittere; similiter cruditates in uentriculo, & uniuerso corpore, uenæ sectionem prohibent. Attamen si cum materia propria & prima morbi, copia sanguinis & malitia extiterit, cum uirtutis robore, & reliquis requisitis, mittere sanguinem per sectam uenā optimum erit præsidium. Sed si alij prædominauerint humores calidiores, ut putabilis, uel biliosus humor, tunc uacuatio sanguinis semper nocua erit; quoniam crudiores reddit frigidos humores, qui sunt basis istius morbi, & etiam nocumento est, quoniam bilis ex uacuatione sanguinis per uenam sectam effrenescit, subtracto scilicet freno ipsius, quod sanguis est; & spiritus, qui cum sanguine semper existunt, unā cum ipso euacuantur; sicq; calor naturalis, qui est naturæ primum instrumentum contra quoscunque morbos, languidus efficitur. Hucusque autem de hac materia sit satis sufficienter dictum. Verum, ut omnia, quæ in hac disceptatione digna sunt notatu, facilius memoriæ à legentibus commendentur, ex superius scriptis, quædam necessaria, ac principaliora, & scitu digniora, tanquam leges, ac statuta in sectione uenæ, ac sanguinis euacuatione in putridis febribus, nec non & alijs præter naturam dispositionibus, hic in calce huius disceptationis, in tabularum modum, ordine quodam scribere cogitavi, ex quibus non uulgarem utilitatem medentes, & ægri consequi ualeant.

CANONES OBSERVANDI EX

*superius dictis, in sanguinis missione
per sectam uenam.*

- 1 Si Virtus fortis fuerit, & morbus præsens uel futurus magnus, & ætas iuuentutis florida, non puerilis, neque ultimi senij.
 Secare uenam, & sanguinem mittere ex usu erit, dūmodo sanguinis educationē sine noxa æger tolerare possit, & nihil prohibeat, sicuti est crudorum humorum copia, tempus anni, aut regio nimis calida, uel nimis frigida.
- 2 Si cui secanda uena sit, & sanguinem mittere oporteat, & corpus gracile fuerit,
 Nullo modo uenam secare, & sanguinem mittere conuenit.
- 3 Si quis uentriculum repletum plurimis humoribus frigidis, & cruditatibus habuerit.
 Venam tundere nulla ratione licet, etenim missio sanguinis plurimum illi erit nocumenti.
- 4 Pueris, & Senibus ultimi Senij.
 Venæ sectio semper nocua, & mala erit.
- 5 Si in uniuersum corpus humores crudi abundauerint.
 Sanguinem educere, per uenam sectam erit uenenosum.

E Peri-

6 Si Tempus anni calidissimum, uel frigidissimum fuerit, ut est uidere in diebus canicularibus, & in extrema hyemis frigiditate.

7 Si Corpus biliosum, & morbus quoque materialis biliosus fuerit, ut est Erisipelas, & alij à bile orti morbi.

8 Si Morbus fuerit nimis calidus & siccus, uel extremè frigidus,

9 Si Febris fuerit synocæ cum putredine, uel sine putredine, & sanguinis abundantia.

10 Si Febris fuerit ex putredine aliorum trium humorum à natura sanguinis diuersorum, & sanguinis unà cum ipsis putridi.

11 Si Febris ex inflammatione, uel uisione bilis orta fuerit; quam uisionem medici uocant.

Periculosa, & non sine mortis discrimine, est euacuatio sanguinis per sectam uenam.

Non licet uenam secare, & sanguinem mittere, quoniam ex sanguinis educatione efferuescit ipsa bilis.

Sectio uenæ, & sanguinis euacuatio semper mala, & cum discrimine erit.

Saluberrima erit sectio uenæ, & sanguinis missio, dum modò uires, ætas, & alia consentiant.

Optima erit sanguinis euacuatio per apertionem uenæ, si uires, ætas, tempus anni, regio, & reliqua admiserint.

Secare uenam plurimum nocet, quoniam ex sanguinis euacuatione, qui est bilis frenum, utique bilis effrenescit,

nescit, ita ut febris ualidior efficiatur, non sine uitae discrimine.

12 Cum sanguis bonus semper naturae sit utilis, atque cum eo semper sint spiritus commixti.

Venae sectio, & sanguinis euacuatio non nisi in magnis morbis, fieri conueniens erit & ideo non sine optimo consilio uenam aperire licet.

13 Si sanguis inutilis cum optimo sanguine permixtus fuerit,

Sanguinem malum totum si sine uirium discrimine fieri poterit, euacuare oportet aperta scilicet uena.

14 Si Humores in Venis aequaliter indigeant euacuatione ita ut tam sua qualitate, quam quantitate noceant.

Venae sectio conuenientissimum auxilium erit, & sic locus Auicennae allegatus cap. de Phlebotomia, Galeni sexta part. Aphorismorum Aph. 22. dicentium missionem sanguinis esse euacuationem uniuersalem humorum intelligendus est.

15 An in quacunque febre uenam secare à principio, & sanguinem mittere conueniat.

Qui sanguinem mittere in quacunque febre putrida audent, à principio non mediocri noxa aegrotantes afficiunt; quare (ut Plato dicebat) minus errare creditur qui non

aggrediuntur quæ ignorāt ,
quàm qui tractant ea , quæ
nunquam didicerunt .

16 An in omni plethoria ,
sectio uenæ , & sanguinis
euacuatio conueniat .

Primum distinguendum
erit de natura plenitudinis ,
atque ægri habitudine , &
ætate, de anni tempore , re-
gione , atque aeris constitu-
tionibus : consulenda etiam
sunt quæcūq; ante cesserint,
& quæcunque symptomata
ægrum infestent .

17 Antè uenæ sectionem ,
& missionem sanguinis ,
quinq; inuestiganda sun-
to .

Primum erit, qualis corpo-
ris affectio sang. euacuatio-
ne egeat. secundum quæ illa
sit, quæ sang. missione egeat.
tertium qui innoxie hâc fer-
re possunt . quartum quo-
nam potissimum tempore
ipsa sit molienda . quintum
quã ex uenis secare sit opus,
cum nimirum nō parum in-
terfit, hanc, uel illam feces .

18 Si graua ns fuerit pleni-
tudo , uel tensio , & ætas
non fuerit puerilis, uel ul-
timi senij , has obseruare

Plenitudinis, tūm quātitā-
tem, tūm qualitatem, atque
uirium robur , & earundem
imbecillitatem naturalem,
& quo-

regulas oportet, quando uenam secare cogimur.

19 Si uis cognoscere utriusque plenitudinis quantitatem, illam cognoscere licet ex suorum signorum definitione; & sunt hæc.

& quoque totius corporis habitum, tempus anni, & regionem, antequam uitam, cibi & potus copiam præsertim affatim nutrientium, & quales motus exercuerit.

Quantum sibi homo grauior uidetur, tantum & plenitudinis quantitas quoad uires esse constat. ad eundem modum quantum fuerit auctus tensionis sensus, tantum & altera plenitudo, quæ secundum uasa uocatur, aucta erit. In talibus signis plenitudinis existentibus facultatibus ualentibus, optimum erit uenam aperire, præsertim si tensus sua fuerit affectio nihil distinguens, magisque etiam in phlegmonide. Si uero plenitudo grauans fuerit quæ infestet, sanguinis euacuatio ex usu non erit, nam fieri potest ut crudus per corpus ipsum collectus sit humor, a quo talis affectus gignatur, quem

20 Si lassitudo fuerit gra-
uans, cum humorum cru-
dorum per uniuersum
corpus collectorum mul-
titudine.

21 Si secare uenam opus
fuerit, & sanguinem mit-
tere oporteat, ista omnia
prænoscere operæpre-
tium erit:

22 In febribus pestilentia-
libus, ac mali moris, cum
mala putredine ultima &
uenenosa, in quibus appa-
reant maculae, uel papu-
lae, siue exanthemata uo-
cata, per uniuersum cor-
pus, & aliquandò in ali-
qua eius parte, ad simili-
tudinem morsuum culi-
cum, quandoque uerò

quem succum per sectam
uenam uacuare minimè ex-
pedit.

Fricationibus, unctioni-
busq; & potionibus, ac
quoque euacuationibus reli-
quorum humorum, eam a-
mouere studendum erit.

Calorem totius corporis
degenerans ab eo qui san-
guinis copiam ostendere so-
let, deinde ipsorum pulsus
inæquales in uehementia,
paruitate, & magnitudine,
neq; pueris sanguinem mit-
tere licet.

Primò ut uena minimè
post papularum apparitio-
nem secetur, neque post ter-
tiam diem à morbi princi-
pio, neque uentriculi fasti-
dio laborantibus conuenit.
Nota quòd febris pestilen-
tialis, exterius quieta est, in-
terius uerò conturbans, un-
dè sæpissime qui non sunt
medici nō cognoscunt mor-
bi prin-

magnæ, latæq; diuersorum colorum. hæc igitur obseruare oportet.

bi principium uniuersale, ita ut si aperiatur uena post tertiam diem, procul dubio æger moriturus erit, ob causas alias assignatas, ex uirtutis imbecillitate: At, si sanguinis euacuatione aliqua de causa eguerint, apponendæ erunt cucurbitulæ cū scarificatione, dorso, natibus, & reliquis corporis partibus infectis, extracta ea sanguinis copia, quam uirtus tolerare poterit; maior autem quantitas extrahetur ubi numerosiores maculæ extiterint, naturam sic rectè operantem imitando, teste Hippocrate prima Aphor. par. Apho. 22. dicente: Vndeunque natura uergit per conuenientem regionem, eoducere oportet: cutis uerò exterior ex Galeni sententia libro de morbis & symptomatibus est sanguinis mali, & multorum aliorum excremento.

mentorū in uenis, ac alijs
partibus interioribus existē-
tium receptaculum conue-
niens.

23 Si Febris acuta fuerit;

A missione sanguinis per u-
nam sectam cauendum est
si uirtus ægri inualida fue-
rit, & humores plurimum
sanguine distent.

24 In omni sanguinis mis-
sione, hæc adamussim
seruanda sunt.

Primum est quantitas san-
guinis, & si pulsus fuerit bo-
nus: deinde si alius humo-
r malus plurimus fuerit, à sa-
guinis euacuatione per sectā
uenam abstinendum erit
quod in febribus pestilētia-
bus mali moris (uti diximus)
seruandum semper erit.

25 Secare uenam & san-
guinem mittere sine ur-
gente necessitate timoro-
sum ea ratione erit.

Quoniam sanguinis sedes
spiritus est, & quoque hu-
mores alij, siquidem neque
spiritus sine sanguine neque
sanguis sine spiritibus unquam
inuenitur. quare non omnis
sanguis, sed solus malus
eget euacuatione, cæteri
consentientibus.

Perni-

26 Si Febres malignæ pestilentialiaes, & mali moris fuerint, in quibus angina, & pleuresis cum ipsis oriantur, uel in processu accidere solent;

Perniciosa semper est missio sanguinis. Saluberrimū tamen est cucurbitularum appositio cum scarificatione, & sanguinis euacuatione, puta in angina, iuxta spatulas, dorsum, & nates; & in pleuritide lumbis, natibus, inter coxas, & sub poplite, ac per eas incisas sanguis educendus ad uirtutis tolerantiam per earum reapplicationem.

27 Si Sanguis biliosus in febribus, & alijs morbis abundauerit.

Aperire uenam & sanguinem mittere timorofum est. nam cum sanguis sit frenum bilis, atque eius inflammationē sua humiditate obtundat, uel si sanguis mittatur, tūc bilis calidior & acrior efficitur, & (ut aiunt) effrenescit, indeq; maior febris, & symptomata sequentur.

28 Si Febre correptus, antequam ab ipsa uexaretur, usus fuerit nimia & immoderata uenere.

Non sine uitæ discrimine secare uenam, & sanguinem mittere erit, nam in talibus uirtus imbecillis plurimum

F est,

29 An missio sanguinis per uenam sectam putredinem & obstructions tollere possit.

30 Si obstructions & putredinem amouere quis uoluerit,

31 Etiam si morbus magnus fuerit, secare uenam, & sanguinem mittere non semper expedit, quoniam aliquando magnificè nocet.

est, quare missio sanguinis eam imbecilliores reddet, sicq; pereunt.

Nec putredinem, nec obstructions tollere potest, uel sanare, immò per missum sanguinem calore corporis refrigerato, maior sequetur obstructio, & per consequens maior putredo.

Hoc fiet per minorationem materiae cū medicina per os sumpta leniente, atque cum leuibus fricationibus & cum paruis cucurbitulis scarificatis, unctionibus, & alijs auxilijs, pro modo & ratione obstructionis factae.

Nam sunt quidam morbi magni, in quibus missio sanguinis lethalis est, praesertim si à cruditatibus per uniuersum corpus causati fuerint, inter quos est epilepsia, apoplexia, lethargus, aqua intercutem, & similes affectus, in quibus missio sanguinis

32 Missio Sanguinis non ab omnibus corporis partibus æqualiter purgat.

33 Causæ, cur in malignis & pestilentialibus febribus cum maculis iuxta membra exteriora, omnes ferè ex missione sanguinis, post tertiã diem, per uenæ apertionem moriuntur.

guinis per sectam uenã nullo modo ex usu esse potest.

Sed à uicinioribus uenis, & partibus, quæ cum ipsis primò consentiunt.

Sunt plurimæ, prima quarū est, cum enim dies quarta sit critica, debilis tamen ex sententia Galeni in libro de crisibus, in qua die natura aliquo modo insurgit ad expellendum materiã putridam, malam, uenenosam, & malignam, à uenis, ad extra uenas; igitur si quis in hoc tempore uoluerit sanguinẽ aperta uena educere, faciet iterum materiam uenenosam reuerti ad intra uenas, quod opus est contrarium ipsi naturæ. Est etiam præter dictam, alia causa, & est euacuatio spirituum, qui sunt cū sanguine permixti; unde sequetur omnium uirtutum maior lapsus. Alia ratio prohibens sanguinis uacuationem,

F 2 nem,

nem quoniam in talibus febribus est maxima & ultima humorum putredo in uenis cordi propinquis, ut puta in corpore & caua Iocinoris uena, adeò quòd si medicus temerarius fuerit in missione sanguinis uenam secando, post tertiam diem ex admixtione mali humoris putridi cū sanguine bono cordis & uenarum propin quarum, & uirium infirmitate existente, ad interitū ægrū deducet.

RESPONSIONES AD GALENI

A V C T O R I T A T E S.

4 Dico Galeni auctoritatem, xi. Meth. dicentis saluberrimū esse in omnibus febribus, non solum continuīs, uerum etiam in omnibus illis, quas putridus humor concitat, ueram undequaque esse, si cum suis auctoritatibus & rationibus ex quā plurimis locis excerptis, eam exponere atque intelligere uoluerimus. erit igitur ipsius authoritas hunc in modum interpretanda.

5 Dico etiam Galeni auctoritatem xiii. Met. ueram esse quæ iubet in lethargo, phrenitide, & ephemera febre, statim à principio uenam esse aperiendam, sed à quāplurimis perperā intellectā.

Veram esse dicimus Galeni auctoritatem, & ualere semper quādo humores putrescentes nō sunt sinceri uel puri, sed permixti cū alijs, uincente tamen in permixtione sanguine ipso, siquidem in tertiana exquisita uel quotidiana, aut quartana, nullo modo ex superius toties adductis Galeni rationibus, sanguinis euacuatio per uenæ sectionem, ex usu esse poterit.

Quoniam non fuit Galeni intentio in xiii. Meth. curare lethargum, phrenitidem, uel ephemeram febrem per sanguinis uacuationē secta scilicet uena, sed præcauere in principio, ne morbus augeatur cum diuersione, uel

36 In Febrībus omnibus, quibus anxietates stomaticae affligunt plurimum aegrotantes, aperire uenam & sanguinem mittere, semper erit ualde timorofum.

uel deriuatione per sanguinis euacuationem. quo in loco potius Erasistratum reprehendit, qui ante euacuationem aliquā corporis uel per uenam sectam, uel per assumptum pharmacum, locis affectis particularia admovebat remedia, quod rationi ualde erat cōtrarium: quoniā quamprimū tam in uno quā in alio affectu uena erat aperienda, tametsi contrarij sint, deinde localibus agere.

Nam Venæ sectio, & sanguinis missio humorem magis in motu ponūt, & exagitant, qui sapissimè in tali motione ad membra præcipua repunt; & cū uirtus in tali passione plurimum resoluatur, ac diu resistere non ualeat, superatur & succumbit cum maximo ægri discrimine. Est quoque alia ratio clarissima, non cum in istis

istis febribus putridis ut plurimum medici uenam, quā basilarem uacant, quæ in curuatura domestici brachij dexteri manifestè apparet, & procedit ab auricula dextera cordis ad Iecur, uel à iocinore ad dexteram cordis auriculam, à qua uenarum quidam descendit, ad dictam brachij domesticā partem; quare si quis hanc secare uenam & sanguinem mittere iusserit, primum sciat, non à iocinore, sed à cordis dextera auricula sanguinem, siue alium humorem cū illo sanguine mixtū, euacuari, qui plurimos spiritus permixtos habet, undè sic inanito dextero cordis uentriculo, sequitur uitalis roboris maxima dissolutio, & postea cum Iecur sanguinem, siue alium humorem in ipso, & ei propinquis uenis putridum putredine mala,

la, cordi subministret, humores denique reliquos & spiritus in ipso corde contentos, inficit mala illa putrida qualitate, atque eius temperaturam corrumpit, sicque cum uita minimè stare possit, praesente ea discrasia, commouentur.

37 An in adolescentibus, ante decimum tertium annum sanguinem mittere, per uenae sectionem sine discrimine, Medici possint.

Si morbus est magnus, in quo sanguis abundauerit, uel eius malitia nocuus fuerit, & fortis uirtus extiterit, cum optimo corporis habitu, non carne priuato, nec tabido, sanguinem per uenae sectionem mittere, Medici scriptores & praxim exercentes, securè ausi sunt, & audent.

38 An praeterea, in Senibus liceat per uenam sectionem sanguinem, sine uita discrimine, euacuare.

In magnis morbis senum, si uirtus fortis fuerit & corpus robustum, ex omni parte habuerint, existente sanguinis abundantia uel malitia, secure, & sine discrimine, sanguinem per uenae aper-

39 Numquid in Mulieribus utero gerentibus, sanguinem mittere, per uenæ sectionem conueniat.

apertionem medicus euacuare potest.

Si Mulier prægnans fuerit robusta, non macilenta, & morbus magnus extiterit, cum sanguinis quantitate, uel mala qualitate, ita ut ex copia uel malitia sanguinis immineat periculum casus matris & embrionis in utero, tunc sanguinem mittere conuenit, etiam ante quartum mensem, & post septimum. Item si timor fuerit de abortu ratione multitudinis & malitiei ipsius sanguinis, euacuare sanguinem à superioribus uenis, ut fiat diuersio, optimum erit auxilium.

o An Semper in cura morbi gallici noui, uel antiqui, missio sanguinis per uenæ sectionem conueniens sit.

Non semper, neq; in omni genere morbi gallici sanguinis euacuatio est optimum auxilium, præsertim si morbus antiquus fuerit, cum corporis excarnatione & tumoribus duris, atque cum

G dolo.

doloribus membrorum pē-
dentibus à flatuosis euapora-
tionibus . Verùm sanguinis
misio præstantissimū est re-
medium in morbo nouo, &
iuuenili ætate, si patiens plu-
rimo uel malo abundauerit
sanguine cum materia mor-
bi permixto, & uirtus fortis
fuerit, & anni tempus con-
sentiāt, ac reliqua millies re-
petita .

Haftenus de Venæ sectione, & sanguinis euacuatione
in processu disceptationis nostræ, & quid cum antiquis sen-
tiam fusè dixisse, & compendiosè in tabulis notasse ad le-
gentium, & ægrotantium utilitatem, cogito : quæ tibi im-
presentiarum satis esse uolui, ut pote à Nicolao Massa tui
amantissimo, in ultimo senio constituto, amoris ac obser-
uantiaē erga te meæ in rebus proprijs, de quibus ad libitum
disponere possum, perpetuum pignus: & licet multas alias
authoritates, ac rationes, suis comprobatas experimentis,
tām Galeni quàm aliorum Illustrium Medicorum ad eui-
dentiorem dictorum declarationem scribere potuissē: ad-
ductas tamen tibi Magnifico ac Eruditissimo Viro, omni
genere scientiarum ornato, satis esse putavi, Quos quidem
labo

abores , ut hilari fronte , & animo suscipias oro , & obse-
ro . Ille uerò ineffabilis rerum omnium Creator dicta
& facta tua cuncta fecundare dignetur . Vale, ex Nostri
Aedibus M D LXVIII. Pridie Nonas Iulij.

F I N I S.

Commissioners of the
Land Office
for the year ending
March 31, 1881

1881